

"Шанхай ынтымақтастық ұйымы Өңірлік терроризмге қарсы құрылымының деректер банкі туралы келісімді бекіту туралы" Қазақстан Республикасының Президент Жарлығының жобасы туралы

Қазақстан Республикасы Үкіметінің 2005 жылғы 23 маусымдағы N 620 Қаулысы

Қазақстан Республикасының Үкіметі **ҚАУЛЫ ЕТЕДІ:**

"Шанхай ынтымақтастық ұйымы Өңірлік терроризмге қарсы құрылымының деректер банкі туралы келісімді бекіту туралы" Қазақстан Республикасының Президенті Жарлығының жобасы Қазақстан Республикасы Президентінің қарауына енгізілсін.

Қазақстан Республикасының

Премьер-Министрі

**ҚАЗАҚСТАН РЕСПУБЛИКАСЫ ПРЕЗИДЕНТІНІҢ
ЖАРЛЫҒЫ Шанхай ынтымақтастық ұйымы Өңірлік терроризмге
қарсы құрылымының деректер банкі туралы
келісімді бекіту туралы**

Қ А У Л Ы Е Т Е М І Н :

1. 2004 жылғы 17 маусымда Ташкент қаласында жасалған Шанхай ынтымақтастық ұйымы Өңірлік терроризмге қарсы құрылымының деректер банкі туралы келісім б е к і т і л с і н .

2. Осы Жарлық қол қойылған күнінен бастап қолданысқа енгізіледі.

Қазақстан Республикасының

Президенті

**Шанхай ынтымақтастық ұйымы Өңірлік терроризмге
қарсы құрылымының деректер банкі туралы
КЕЛІСІМ**

Бұдан әрі Тараптар деп аталатын 2001 жылғы 15 маусымдағы Терроризмге, сепаратизмге және экстремизмге қарсы күрес туралы Шанхай конвенциясына қатысушы болып табылатын Шанхай ынтымақтастық ұйымына мүше мемлекеттер,

2002 жылғы 7 маусымдағы Шанхай ынтымақтастық ұйымына мүше мемлекеттердің арасындағы Өңірлік терроризмге қарсы құрылым туралы келісімді басшылыққа ала
о т ы р ы п ,

Шанхай ынтымақтастық ұйымы Өңірлік терроризмге қарсы құрылымының (бұдан

әрі - Өңірлік терроризмге қарсы құрылым) тиімді қызметіне тиісті жағдайлар жасауды қамтамасыз етуге ұмтыла отырып, төмендегілер туралы келісті:

1-бап

1. Тараптар Тараптардың арнайы уәкілетті органдардың ақпараттық өзара іс-қимылдарын қамтамасыз ету және оның деңгейін арттыру, сондай-ақ Тараптарды Өңірлік терроризмге қарсы құрылымның құзыретіне жататын мәселелер бойынша ақпараттармен қамтамасыз ету мақсатында Шанхай ынтымақтастық ұйымы Өңірлік терроризмге қарсы құрылымының Атқарушы комитетінде (бұдан әрі - Атқарушы комитет) Өңірлік терроризмге қарсы құрылымның деректер банкі (бұдан әрі - деректер банкі) құрады және онда бар ақпараттарды пайдаланады.

2. Деректер банкі есептеу техникасы құралдарын пайдалана отырып, автоматтандырылған ақпараттар жүйесінің негізінде, сондай-ақ құжаттамалық материалдарды қатты (қағаз) және өзге де тасушыларда жинақтау жолымен жұмыс істейді.

2-бап

1. Тараптар деректер банкінің жұмыс істеуіне қатысты мәселелер жөнінде өзара іс-қимылды жүзеге асыратын арнайы уәкілетті органдарды айқындайды, бұл туралы осы Келісімнің күшіне енуі үшін қажетті мемлекетішілік рәсімдер орындалғаннан кейін Атқарушы комитетті 60 күннің ішінде жазбаша нысанда хабардар етеді.

2. Арнайы уәкілетті орган ауыстырылған жағдайда, бұл туралы жазбаша нысандағы хабарлама 10 күн мерзімде Атқарушы комитетке жіберіледі.

3. Деректер банкіндегі ақпарат құпия және құпия емес болып бөлінеді.

4. Құпия ақпараттарға қол жеткізу Шанхай ынтымақтастық ұйымының Өңірлік терроризмге қарсы құрылымындағы құпия ақпаратты қорғау туралы келісімге қатысушы болып табылатын Тараптарға ғана беріледі.

5. Деректер банкінің құрылымын, құпия емес ақпаратты қолдану және оларға қол жеткізу тәртібін Өңірлік терроризмге қарсы құрылымның кеңесі айқындайды.

6. Деректер банкіндегі ақпаратты техникалық қорғауға қатысты мәселелер жеке Келісіммен реттеледі.

3-бап

1. Деректер банкі Өңірлік терроризмге қарсы құрылымның құзыретіне жататын, Тараптардың арнайы уәкілетті органдарынан келіп түсетін, сондай-ақ Шанхай ынтымақтастық ұйымының органдарынан және басқа да көздерден, оның ішінде

бұқаралық ақпарат құралдарынан, баспа басылымдарынан, телекоммуникациялық жүйелер мен "Интернет" халықаралық компьютер желісінен алынатын ақпараттар е с е б і н е н қ а л ы п т а с а д ы .

2. Деректер банкінде :

халықаралық террористік, сепаратистік және экстремистік ұйымдар, олардың құрылымы, қызметінің нысандары мен әдістері, көшбасшылары, мүшелері мен осы ұйымдарға қатысы бар басқа да адамдар туралы, сондай-ақ есірткі құралдарының, психотроптық заттар мен олардың прекурсорларының заңсыз айналымын қоса алғанда, осы ұйымдарды қаржыландыру көздері мен арналары туралы;

терроризм, сепаратизм және экстремизмнің жай-күйі, олардың таралымының серпіні мен үрдістері туралы;

террористік, сепаратистік және экстремистік ұйымдарға қолдау көрсететін ұйымдар мен адамдар туралы;

терроризмге, сепаратизмге және экстремизмге қарсы іс-қимыл жөніндегі шаралар туралы ;

Тараптардың, оның ішінде Өңірлік терроризмге қарсы құрылыммен өзара іс-қимылды жүзеге асыратын құзыретті органдардың қызметін регламенттейтін ұлттық заңнамалары туралы ;

жасалған террористік актілер, оларды жүзеге асырудың нысандары мен әдістері туралы ;

террористік актілер жасау кезінде жарылғыш құрылғылардың (жарылғыш құрылғылар бөліктерінің), қарулардың, оқ-дәрілердің, уландырғыш және өзге де заттардың пайдаланылуы туралы ақпараттар жинақталады.

4-бап

1. Атқарушы комитет деректер банкі үшін ақпарат алу мақсатында бір немесе бірнеше арнайы уәкілетті органдарға олардың кез келгенінің бастамасы бойынша да, өз бастамасы бойынша да сұрау салулар жібере алады.

2. Атқарушы комитет арнайы уәкілетті органдардың тиісті сұрау салулары бойынша 30 күннің ішінде деректер банкінде бар қажетті ақпаратты береді.

3. Атқарушы комитет тоқсан сайын арнайы уәкілетті органдарға деректер банкінде бар мәліметтер мен материалдар тізілімін жібереді.

4. Атқарушы комитеттің ақпарат беру туралы сұрау салуларын орындау тәртібі орындаушы Тараптың ұлттық заңнамасымен реттеледі. Сұрау салуларды орындау мерзімі 30 күннен аспауы тиіс.

5. Сұрау салуларды орындау осы Келісімнің 7-бабында белгіленген тілдерде жүзеге асырылады .

6. Арнайы уәкілетті органдар деректер банкіне ақпаратты оның түсуіне қарай

жібереді, оның барынша толықтығы мен сенімділігін қамтамасыз етеді. Арнайы уәкілетті органдар берілген ақпаратты Тараптардың және Өңірлік терроризмге қарсы құрылымның мүдделеріне залал келтірілмей пайдаланады.

5-бап

Атқарушы комитет деректер банкінің жұмысын ұйымдастырушылық-техникалық қамтамасыз етуді, соның ішінде:

деректер банкіні басқаруды және оны пайдалануды;

Өңірлік терроризмге қарсы құрылымның Кеңесі бекітетін деректер банкіне ену, оны пайдалану, деректер банкі үшін ақпарат жеткізушілермен жұмыс істеу және ақпараттарды қорғау тәртібі туралы нұсқаулық әзірлеуді және оны орындауды; ақпаратты қорғауды және деректер банкі шеңберінде ақпараттық алмасуды бақылауды жүзеге асырады.

6-бап

Деректер банкіні құрумен, оның жұмысын қамтамасыз етумен, оны дамытумен, сондай-ақ онда бар ақпараттарды қорғау жөніндегі шараларды жүзеге асырумен байланысты шығыстар Шанхай ынтымақтастық ұйымының бюджетінен Өңірлік терроризмге қарсы құрылымның қызметіне бөлінетін қаражат есебінен жүргізіледі.

7-бап

Деректер банкі орыс және қытай тілдерінде қалыптасуы мүмкін.

8-бап

Осы Келісімге Тараптардың келісімімен осы Келісімнің ажырамас бөліктері болып табылатын және осы Келісімнің 10-бабында белгіленген тәртіппен күшіне енетін хаттамалар түрінде ресімделетін өзгерістер енгізілуі мүмкін.

9-бап

Осы Келісімді түсіндіру немесе қолдану кезінде туындайтын даулы мәселелер мүдделі Тараптардың арасында консультациялар мен келіссөздер арқылы шешіледі.

10-бап

1. Осы Келісім белгіленбеген мерзімге жасалады және депозитарий Тараптардың осы Келісімнің күшіне енуі үшін қажетті мемлекетішілік рәсімдерді орындағандығы туралы жазбаша нысандағы төртінші хабарламаны алған күнінен бастап 30-күні күшіне

е н е д і .

2. Осы Келісімнің депозитарийі болып табылатын Шанхай ынтымақтастық ұйымының хатшылығы Тараптарға оның расталған көшірмесін жібереді.

3. Осы Келісім 2001 жылғы 15 маусымдағы Терроризмге, сепаратизмге және экстремизмге қарсы күрес туралы Шанхай конвенциясына қатысушылар болып табылатын мемлекеттердің қосылуы үшін ашық. Қосылған мемлекет үшін осы Келісім депозитарийдің оның қосылғаны туралы құжатты алған күнінен бастап 30-күні күшіне

е н е д і .

4. Осы Келісім Тараптардың Шанхай ынтымақтастық ұйымына мүше мемлекет болып табылатын кез келгеніне қатысты күшінде қалады.

2004 жылғы 17 маусымда Ташкент қаласында бір түпнұсқа данада орыс және қытай тілдерінде жасалды, әрі екі тілдегі мәтіннің күші бірдей.

Қазақстан Республикасы үшін

Қытай Халық Республикасы үшін

Қырғыз Республикасы үшін

Ресей Федерациясы үшін

Тәжікстан Республикасы үшін

Өзбекстан Республикасы үшін